

238
4
1075.3m.10
4

NAENIAE
in mortem Thomæ
Viati equitis
incom
parabilis.

V
IOANNE LELANDO
ANTIQUARIO.
AVTORE.

Londini.
ANNO. M. D. XLII.



236.
INEFFIGIEM THO.
MAE VIATI.

Holbenus nitida pingendi maximus arte
Effigiem expressit graphice: sed nullus Apelles
Exprimet ingenium felix animumque Viati.



Aetas Viati.

Syderei peteret cum coeli regna Viatus
Tempora lustrorum non dum compleuerat octo.

IOANNIS LELANDI ANTIQVA

ri) carmen ad HENRICVM HOVARDVM Regno-
rum comitem iuuenem tum nobiliss.
tum doctissimum.

ACcipe Regnorum comes illustrissime carmen,
Quo mea Musa tuum laudauit moesta Viatum
Non expectato sublatum funere terris.
Nominis ille tui dum vixit magnus amator.
Tu modo non viuum coluisti candidus illum,
Verum etiam vita defunctum carmine tali
Collaudasti, quale suum Chaucerus auitæ
Dulce decus linguæ vel iuste agnosceret esse.
Perge Houarde precor virtute referre Viatum,
Dicærisque tuæ clarissima gloria stirpis.

Clarus fons.

Cæsar's orator Maurentius ostia Falsæ
Fluminis intrauit vela secunda ferens.
Est data ducendi legatum cura Viato,
Hispanis nullus notior Anglus erat.
Vrbs antiqua tenet regum monumenta duorum
Clarus fons, sedes pontificum que fuit.
Hic per dispositos properantem currere mannos
Inuasit Thomam pestis, et atra febris.
Nobilis Horfæus morienti lumina clausit,
Quem Durotrigum gens colit, ornat, amat.

A.ñ.

Aeternum

NAENIAE

Aeternum peperit Clarus fons morte Viati
Nomen, et illustris fit magis inde locus.

Officium pietatis.

Sint moestę Charites, lubentiaęque,
Et tristes fileant sales, leporesque.
Extinctus iacet en Viatus ille,
Ille inquam decus vnicum Britannę
Gentis, cuius ab ore profluebant
Musarum numeri rotundiores.
Vos cygni pia turba concinentes
Sublimem medio locate cœlo
Vestrum pro meritis suis poetam,
Et famam date candidi perennem.

Coniunctio animorum

Me tibi coniunxit comitem gratissima Granta,
Granta Camœnarum gloria, fama, decus.
Diuidet illa animos mors ingratissima nostros:
Non faciet longum chare Viare vale

Comparatio

Qualis erat clypei dominus septemplex Ajax.
Qualis et in bello Troicus Hector erat.
Qualis erat curru celeri conuectus Achilles.
Nostra quidem talis palma Viatus eques.

Immore

NAENIAE

Immortalis Viatus

Ante suos Titan radios ostendere mundo
Desinet, et nitidas Cynthia pulchra faces.
Desinet ante novos flores producere tellus
Quam pereat nomen clare Viæ tuum.

Delectus amicorum

Candido amicorum numerum dedit aula Viato.
Sed tres præcipuæ selegit amicus amicos.
Excoluit largi Poyningi nobile pectus.
Ingenio Blagi delectabarur acuto.
Doctrinæ titulo gratus Mafonius albo.
Hi nunc defunctum lachrimarum flumine lugent,
Tergemina charum resonantes vocē Viatum.

Apotheôsis

Inter coelicolas nuper certamen obortum.
Dissidiū vero caussa Viatus erat.
Mars ait est noster iuuenum fortissimus ille.
Phœbus at ingenij flos ait ille meus.
Mercurius virga litem dissoluit, & altis
Intulit exutum corpore syderibus.

Communis dolor

Tristi carmine passerem Catullus
Extinctum queritur parum pudicus,
Deflet Stella suæ vices Columbæ

A.ij.

Vares

NAENIAE

Vates molliculus, tener, cinædus.
 At nos qui colimus seueriora,
 Et musas sequimur sacrationes
 Lumen iudicij boni Viatum
 Abreptum querimur dolore iusto.

Anglus par Italis
 Bella suum merito iactet florentia Dantem.
 Regia Petrarchæ carmina Roma prober.
 His non inferior patrio sermone Viatus
 Eloquij secum qui decus omne tulit.

Gemitus turturis.
 Aeria turtur gemitus tunc fudit ab vlmo
 E medio raperent cum tristia fata Viatum.

Mors victrix.
 Tu bellatorum vicisti tela Viate
 Nulla manus mortis vincere tela potest.

Vnicus phoenix
 Vna dies geminos phoenixes non dedit orbi.
 Mors erit vnus vita sed alterius.
 Rara avis in terris confectus morte Viatus
 Houardum heredem scripserat ante suum.

Vita post cineres
 Dicere nemo potest recte perijsse Viatum
 Ingenij cuius tot monimenta vigent.

NAENIAE

Querela philomelæ:

Tempore non solito cecinit Philomela canora
Virtutis caderet cum prima corona Viatus.
Cantrix cantorem merito lugebat ademptum.
Officij memor adsonuit nemus omne canenti.

Mons acutus.

Logueri burgus, quē nomine Montis acuti
Actas nostra vocat, dominum, gratumque patronū
Solicitis votis optabat habere Viatum.
Vnde suas coepit paulatim expandere cristas.
Ast animis nunc spe sublata concidit omni,
Ingentem totis tectis patiturque ruinam.
Hinc Murotriges crudelia fata vocare
Non cessant, subito quæ subtraxere Viatum.

Canti desiderium.

Extinctum perluge tuum generosa Viatum.
Cantia, quo viuo lumine maior eras.

Vaga fluuius

Nuper clara Vagæ facies: nunc fuscula nympa
Est luteis turbata vadis, dominumque Viatum
Sublatum queritur salebroso murmure tristis
Quid, quod & infelix lachrimis indulget obortis,
Verberat & curuas violento gurgite ripas.

Alaunodunum

Magnanimus dum vixit Alaunia castra Viatus

NAENIAE

In pretio stabant: sed nunc tutore remoto
Deponunt animos, & culmina celsa reclinant.

Clades eloquentiae
Eloquij flumen, lumen, fulmenque Viatus
Concidit, argutum nunc silet omne melos

Lima Viati
Anglica lingua fuit rudis & sine nomine rhythmus:
Nunc limam agnoscit docte Viate tuam.

Nobilitas debet Viato
Nobilitas didicit te praeceptore Britanna
Carmina per varios scribere posse modos.

Viatus psaltes
Transtulit in nostram Davidis carmina linguam,
Et numeros magna reddidit ^{arte} pares.
Non morietur opus tersum, spectabile, sacrum.
Clarius hac fama parte Viatus erit.

Elementorum luctus
Non facit officium solitum vis ignea coeli.
Irriguas aer soluitur in lachrimas.
Turbine ventorum montes consurgit in altos
Pontus: terra macram tristitiamque refert.
Causa quidem iusta est, sensere elementa Viatum
Delicias orbis deperisse meras

Calcu

NAENIAE

Calculus Cæsaris

Carolus eximias vires laudare Viati
 Cæsar, & eloquium est solitus laudare Viati.
 Ingenuos mores Cæsar laudare Viati,
 Ingeniumque probum solitus laudare Viati.
 Cæsaris vnus multorum calculus instar.

Prosopographia

Si quis in hac nostra non vidit gente Viatum
 Hæc legat, atque viri formam sibi colligat omnem.
 Corpore procerum finxit natura Viatum,
 Eius & inuictis neruos dedit illa lacertis.
 Addidit hinc faciem, qua non formosior altra.
 Læta serenatae subfixit lumina fronti,
 Lumina fulgenteis radijs imitantia stellas.
 Cæsariem iuueni subflauam contulit: inde
 Defluxit sensim crinis, caluumque reliquit.
 Sylua sed excreuit promissæ densula barbæ.
 Quisquis erit posthac syncerus cultor honesti
 Laudibus emeritis felicem tollat ad astra
 Nobile solertis naturæ plasma Viatum.

Viatus aquila

Summa petit magni Iouis ales & ardua tentat.
 Talis naturæ dote Viatus erat.

Viatus

NAENIAE

Viatus ornamentum patriæ.

Cedrinæ decori sunt celsis montibus umbræ,
 Malaque solicite paradiso punica culto.
 Sunt teretes decori foecundis vitibus vuæ.
 Purpureæque rosæ, violæque nitentibus hortis.
 Ingenuis decori cunctis patriæque Viatus
 Viuus erat, patriæ mortuus ille decus.

Corona Viati.

Castaliꝝ fontis cum margine forte sederent
 Ex hedera Musæ nuper texere corollam,
 Auro pingentes solito de more corymbos.
 Circulus & postquam iustum coisset in orbem
 Quæstio Cyrrheas est inter oborta sorores
 Festa poetarum quis tandem præmia ferret.
 Virginei quæ prima chori sic ora resoluit
 Calliope: docto sunt munera digna Viato
 Dixerat, & placuit reliquis sententia nymphis.
 Atræpos has illi laudes inuidit acerba,
 Infestaque manu vitalia stamina rupit.
 Confectum Musæ crudeli vulnere mystam
 Eluxere suum lachrimis, gemitusque dedere
 Talia dicentes: potuit mors tollere corpus
 Viuet at ingenium nostri sine fine Viati.

Nobilitas animi.

Intumuit nunquam fortunæ dotibus amplis.

Nec

Nec se felicem duxit splendore Viatus
 Aulae, nec strepitu rerum, procerumue favore.
 Rectius ille animum studiis cordatus auebat
 Exornare bonis, coeloque reponere curam.
 Nobilitas haec est animi verissima magni.
 Est hic thesaurus longe pretiosior auro
 Nomine quo mundo distractus in aethere viuit.
 Quid iuuat immenso nunc indulgere dolori,
 Aut desiderio rapti languere Viati?
 Curemus potius studiis imitari illum
 Sanctis, inque viros forteis euadere. Tandem
 Sic nos efficiet quoque gloria vera Viatos

Annulus Viati.

Annulus in digito solitus radiare Viati
 Fabre factus erat, gemmaque superbus achate,
 Caesaris effigies in qua verissima Iuli
 Sculpta, occludendis signum spectabile chartis.
 Caesaris ad summam virtutem calcar imago
 Ingenitas auxit vires animosque Viati.

Epitaphium

Vrba tenet cineres ter magni parua Viati,
 Fama per immensas sed volat alta plagas.

LONDINI.

Ad signum aenei Serpentis.